


湖州府誌前編




漢書門		九〇八〇	類
一〇三	函	號	
一三	架	冊	

內閣文庫		漢書
九〇八〇	類	
一〇三	函	
一三	架	

內閣文庫	
番號	漢 9080
冊數	6 (6)
函號	292 65

十一二



孝友名賢

沈瑜沈儀烏程人瑜十歲儀九歲父亡居喪毀

瘠過于成人外祖盛孝章撫慰之曰汝竝黃

中通理終成奇器何遽踰制自取滅性耶瑜

卒儀篤學有雅才守道不移

許胤故鄣人父患惡疾醫云啖人肉可差願割

股為羹以進父病果差刺史周澤奏旌其門

王談烏程人年十歲父為鄰人竇度所殺談有

復仇之志密市利鍤俟度出殺度而歸罪于

湖州府志卷之十一
有司太守孔嚴義其孝勇列上宥之吳元興
中舉廉不應終于家

潘綜烏程人孫恩之亂綜與父驃共走避驃困
乏綜迎賊叩頭曰父年老乞賜生命賊斫驃
綜抱驃賊斫綜凡四創有一賊謂曰殺孝子
不祥父子俱得免後以累薦官遂昌縣長宋
元嘉中改其里曰純孝蠲租布三世

吳達烏程人嘗值饑荒遇門疫疾死者十三人
達病愈家貧晝則傭賃夜則伐木燒磚爲生

期年葬十三棺太字張崇之三加禮命皆不
就後舉孝廉

錢延慶烏程人泰始元年其父錢仲期爲吳慶
恩所殺時延慶屬役在都聞之馳還于庾浦
埭逢慶恩手刃殺之自繫烏程獄吳興太守
剡顯表不加罪許之

羊緝之烏程人女名佩緝隨母還舅氏母亡晝
夜號哭不飲食三日而亡鄉里號爲女表

丘景賓字彥先吳興人以節義聞父康祖任無

清州府志卷之十一
錫令亡後僮僕數十人及宅宇畜產悉讓與
兄震之震之推齋屋三間亦不肯受太守孔
士山嘆曰聞柳下惠之風貧夫庶懦夫有立
志復見之後終于奉朝請

聞人愛吳興人齊高帝時年十七歲結客報父
仇爲帝所賞至長水校尉

孫法宗吳興人父隨孫恩入海被害屍骨不收
母兄並餓死幼而流離年十六得還鄉里勤
苦營辦棺槨葬送母兄儉而中禮聞人言父

子以血瀝骨當悉滲入乃捺刀沿海見枯骸
輒割肉滴血經十餘年臂脛無完皮終不能
得遂衰經居墓所終身不娶

丘傑烏程人年十四遭母喪止啖生菜歲餘忽
夢母曰死生是分別耳何爾徒苦汝噉生菜
遇蝦蟆毒靈床前有三丸藥可取服之傑驚
起果藥服之下科子數升

丘雄烏程人父冠先永明中使懦懦不屈而死
武帝以其不辱命以錢一萬布三十疋賜雄

淮州府志 卷之十一
四
雄不受上書曰臣父執節如蘇武守死如谷
吉遂不書之良史甄之褒策萬代之後誰死
社稷建元四年車僧朗銜使不異抗節是同
詔贈正負外卽此天朝舊事臣父成例也今
僧朗返葬塚塋臣父埋棄絕域語忠烈則亦
不謝車論荼苦則此優而彼劇名位不殊禮
數宜等乞中哀贈書奏不省
朱文濟字敬達吳興人自賣以葬母太家謝瀟
命爲儒林不就

王文殊字令章故鄣人父死于魏文殊哀慕不
勝每北望則長號蔬食麻服終身不易太守
孔琇之疏表其門名爲孝行里

沈崇儵字思整武康人父懷明宋兗州刺史崇
儵六歲喪父哭踊過禮及長事母至孝母喪
旣葬廬墓三年梁武帝遣使慰勉令釋服權
補太子洗馬特旌其門

施廷皎故鄣人性友愛三從同居無間言代宗
聞而義之大曆六年旌其門

沈景筠烏程人母懼雷及卒葬宅西每雷發必
奔至墓前號哭云景筠在此賀知章爲撰孝
德傳

曹清烏程人其父嘗殺人繫獄清自誣手刃代
刑其屍泝流至家葬烏程西陽村頗著雲異
朱忝武康人家貧鬻薪養母一日入山爲虎所
攫瞑眩稍醒厲聲曰恨母無托爾虎忽棄忝
走不顧如人疾驅狀遂匍匐歸養里人目爲
虎踐

朱允恭烏程人父華洪武十八年以老人除監
察御史二十三年以事繫獄允恭上疏伸父
冤上念其孝命代爲御史仍宥父罪人稱爲
孝子朱御史

馮添孫歸安人早孤奉母以孝聞末樂問供役
居金陵母病劇歷試諸醫無效忽沐浴割股
和粥以進母食而愈有司上其事詔旌其門
官至工部侍郎

張夢徵歸安人父組南京工部郎中方病疽青

滄州府志 卷之十一
四
陷作嘔逆皆惡証夢徵年十三有姊錦繡年
十五傷父之危日夜謀所以活父夢徵吮疽
得膿輒嚥展轉疽畔審視顏色錦繡焚香籲
天割臂肉一臠將作糜偶盆血渾赤毋見問
故詔曰兒獲蘇木漬衣耳父時正昏眩得粥
覺甘美食既汗瀉下遂不嘔逆疽漸以瘥江
右吳宣爲作雙孝傳
施新歸孝人敦尚嗜修弟震以催科殺人法應
抵罪新念毋愛所鍾以身代之會赦免

忠烈名賢

施延

詳勲封

計昭字叔明武康人黃武中爲車騎將軍見歸

命侯皓荒暴遂棄官隱于禺山晉宣帝時累

徵不起

沈攸之

詳勲封

沈勁

詳勲封

沈昭畧

詳勲封

丘冠先

詳勲封

沈浚

詳勲封

章華吳興人陳後主時同郡沈客卿等用事上書曰昔高祖南平百粵北誅逆虜世祖東平吳會西破王琳高宗克復淮南闢地千里三祖之功勤亦至矣陛下卽位于今五年不思先帝之艱難不知天命之可畏溺于嬖寵惑于酒色祠七廟而不出拜三妃而臨軒老臣宿將棄之艸莽諂佞邪升之朝廷今疆場日蹙日蹙隋軍壓境陛下如不改絃易張臣見麀

鹿復遊于姑蘇書奏卽日斬之

朱蹕字子美安吉人政和五年上舍登第任興國軍教授尋除錢塘令建炎三年金人破桐川將窺臨安蹕請于郡守戍千秋獨松二嶺以抗其咽喉守不聽臨安陷守棄城遁保赭山蹕率民兵出禦同僚止之蹕曰此臣子報國之秒也遂策馬不顧行二十里遇賊對敵兩中流矢左右掖至天竺山敵肆掠蹕裹創率里社以短兵邀擊遂遇害實是年二月十

九日也高宗嘉其死節贈宣教郎淳祐十年
祀于錢塘門外

劉士英字仲發武康人以上舍擢第爲溫州教
授方臘之亂士英獨聚官兵守禦州賴以全
後通判太原金人大入與將官王稟堅守歲
餘城中食旣王稟赴火自盡士英力戰死之
時年四十五門人謚曰安節先生

徐俊字英父德清人少有節槩始爲國子生卒
六館諸生乞誅賈似道疏三上不報國亡不

復仕進元至元中累徵不起言及故宋時事
輒泫然流涕死之日門人謚曰安節先生

徐道隆 詳勳封

萬鍾字元亨歸安人仕至龍圖閣待國勢日危
致仕居家元世祖三徵之終不起以農業卒
老于橫塘之上

游汶字魯望德清人咸淳中歷江西江東福建
提點刑獄俱有能聲賈似道當國時事日非
汶與論事不合至于流涕宋亡家居叅政蒲

大年以遺老奏召爲福州摠管堅辭不就所
衣一布袍書其背曰前宋遺民服之以出入
焉
欽德載吳興人仕爲都督計議官宋亡德載不
肯送降款元兵募生致之欲授以官德載裂
其板授書郎遁隱碧岩山自號壽岩老人
陳存安吉人累官兵部尚書端明制置使宋亡
元遣使七徵不起尋遘疾却醫絕食旬有四
日卒

章鑄字子壽烏程人仕爲修職郎宋亡元令故
宋官訥誥勅鑄終不肯以世食宋祿坐未嘗
北向宋人之仕于元者鑄皆絕之

世高其節

王簡

詳勲封

郎理字子中安吉人洪武己巳由鄉舉授戶部
主事山西大歉逋賦上特命理往徵之未行
曾雷震謹身殿大赦悉免天下逋負尋詔止
免三分復命理往陛見從容言曰陛下法堯

舜以爲治德教加于百姓恩澤徧于四海今
已布大信而復更乏如天下何且山西大饑
民皆殍死取非其時似與古兩稅三限之法
戾矣願陛下熟思臣不敢奉命言甚切上怒
以所持杖撾之致折金鑽左股理弗爲動仍
命督徵理陳辭益堅上怒叱令棄市已而悔
之賜祭葬特降

陸崑歸安弘治庚辰進士任監察御史正德初
坐劾逆瑾拷掠幾危瑾誅詔以原職致仕

陳寔德清人弘治壬戌進士授給事中抗直敢
言以忤逆瑾逮獄謫判六安瑾誅復起歷遷
山西學政以師道自任士習丕變雅好詩文
著水南集百餘卷

陸澄歸安人正德丁丑進士初授刑部主事進
員外卽會大禮議起上疏力諍謫判高州尋
擢廣東僉事

臧應奎字賢徵長興人事父母以孝聞正德丁
丑進士授南京車駕主事時中官以進貢多

索船利私載悉從裁省尋改北京精膳主事
嘗進用人用言二論後以議禮切諫忤旨廷
杖卒贈光祿寺少卿

隱逸名賢

披裘翁不知何許人亦不詳其姓名寒暑所服
惟一裘曰呼披裘翁隱于天目山嘗出採薪
遇延陵季子見道傍遺金命翁取之翁投鏹
于地噴目而言曰何子居之高視之下儀貌
之莊語言也五月披裘而負薪豈取金者哉
季子謝之問其姓名不對而去

姚仲翁武康人種瓜灌園以供衣食人有饋遺
一無所受鄉里尊爲長者

吳慶之烏程人隱居樂道以農業自給累舉爲
西曹書佐不勉王蘊爲吳興太守辟爲功曹
亦不就

上談烏程人年十歲父爲隣人竇度所殺談有
復讐之志密市利鍾俟度出殺度而歸罪王
有司太守孔嚴義其孝勇列上宥之元興中
舉孝廉不應終於家

沈警武康人謝安辟爲參軍以病辭安固留不
可王恭鎮京口復引爲參軍手書招致詞甚
勤懇不得已而應之尋復謝去

沈顗武康人內行甚修居家以孝友稱齊末兵
荒與家人併日而食采薪自資怡然不改其
樂

沈道虔武康人居縣北石山下孫恩之亂縣令
庾肅之迎出縣南廢頭里爲立宅亂平復還
石山精廬與兄子共畚庾之資困不改節郡
州縣凡十二命皆不就

沈徵武康人博學好古隱江口山孝弟力田累

徵不起縣丞常丞慶名其所居為茂德鄉

賈收字耘老烏程人有詩名與蘇子瞻交其

居有水閣曰浮暉子瞻遊道場曰徂風雨泊

舟登浮暉閣命官奴秉燭掃風雨於壁間

後刻石於墨妙亭收素貧每念之嘗寫古木

怪石書其後以贈云今日舟中霜寒十指如

懸槌適有人致嘉酒遂獨飲一杯醺然徑醉

念賈處士貧甚無以慰其意為作古木怪石

一紙每遇饑時輒一開看飽人否若吳興有

好事能為君月致米三石酒三斗終君之世

者當便以贈之不爾可令雙荷葉收掌須添

丁長以付之也雙荷葉耘老侍姬添丁耘老

之子後耘老作亭以懷蘇名之有詩一編號


懷蘇集

胡仔烏程人少無宦情自號茗溪漁隱留心吟

味取古人詩考之傳記著叢話百卷

林靜號愚齋德清人髫髻時即解綴篇什研窮

經史百氏旁及玄銓釋典悉掇其芳潤郡縣



海州府志 卷之十一
累辟不就著愚齋集金華宋濂序

章德一歸安人十歲能文比長不樂仕進學士
程雪樓薦之不起嘗積書萬卷從學者遠近
畢至有悠然先生集子橫塘號丹霞仙客有
稽古之學善畫蘭家貧鬻蘭爲食不苟取與
洪武初召拜知府對曰臣有布政才以下官
不能也辭弗就宋濂以詩贈其行

沈貞字元吉長興人甘貧力學雖在畝畝中手
不釋卷宅傍有一井冬夏源泉湧流溉田數

百畝元吉往來吟咏其上絕無仕進意著茶
山稿十一卷

夏義甫郭南人少以孝行稱博學好古值勝國
兵亂築室天目杜門隱居者四十餘年與張
翁劉佐周倬沈貫諸君子相爲師友每有得
輒爲吟嘯又善繪今藏于家者天目山房圖
益其得意筆也

王升德清人子軫爲崇信縣知縣升戒以忠勤
廉慎等語買川椒附子湏經稅而來高皇帝

庶得之嘉嘆再三下詔旌獎賜白金百兩絹
十疋附子五枚川椒五斤仍命有司復其家
施德華烏程人性朴素能詩洪武中有司以明
經累薦不就結廬數楹于郡城南自號城南
小隱
施濟歸安人居家修雍睦之行設義塾以訓族
屬子弟使就食焉上塚值盜伐木召而語曰
我不汝逐恐汝墜地盜愧謝而去

方伎

姚信武康人精于天文易數之學仕至太常卿
造昕天論

曹弗與郡人善畫名冠一時時有吳範善曆數
劉淳善星文趙達善筭嚴武善奕朱壽善占
夢皇象善書夏姬善相并弗與稱為八絕嘗
畫赤龍以獻孫皓後宋文帝時大旱取弗與
赤龍置水傍應時得雨

戴洋長城人年十二遇病死五日而蘇說死時

事甚奇及長遂善風角占候祖約請洋爲中
典軍遷督護永昌太寧二年正月有大流星
車南行洋曰至秋府當移壽陽及王敦作逆
約問其勝敗洋曰太白在東方辰星不出兵
法先起爲主應者爲客宜應詔伐之乃率衆
向合肥敦果敗遂住壽陽約府內地忽赤如
丹洋曰地赤如丹流血丸丸當有下反上者
十月二十七日胡馬南來飲淮水至時石勒
果至他所占驗多此類卒年二十

吳嶠郡人精明天文表天綱師事之煬帝時嘗
過鄴中告其令曰中星不守太微主君有嫌
而王氣流萃于秦地子知之乎令不之信及
唐高祖卽位始知其言之不誣

錢選字舜舉烏程人宋景定進士攻詩尤善畫
世以選畫子昂字馮應科筆爲吳興三絕

夏文彥吳興人後居雲間精圖畫著圖繪寶鑑
五卷行于世

唐棣歸安人少從趙文敏公學詩畫俱有所受

仕元爲休寧縣尹遷吳江州知州有休寧稿
味外味稿

王蒙號黃雀山樵趙文敏公外孫也才氣豪邁
詩文俊逸尤善畫識者評其聲價在子昂之
下唐棣之上云人
莫月晁名起炎歸安人幼習舉子業三試有司
不利乃着道士服更號月晁入青城山見徐
無極授五雷法用是召雷雨破鬼魅動無不
驗雖嬉笑怒罵皆若有神物從之者元世祖

遣御史中丞崔或求異人于江南得之賞賚
優厚卒年六十九宋濂爲之傳

張文樞德清人畫山水宗巨然見圖繪寶鑑時
烏程胡欽亮徐士元歸安孟玉澗莫廷暘亦
以畫名

沈道寧號野雲歸安人入金婆樓爲道士後隨
四十二代天師冲虛子入龍虎山學法倪孟
冲傳以祈禳諸術試之應若神速仁宗皇帝
聞之召入禱雨隨試輒驗深用嘉悅賜二品

誥為混元純一冲虛湛寂清淨無為承宣布
澤助國祐民廣文至德尚士後歸卒于黃龍
洞之祥應宮

王中立烏程人精于嬰兒方脉孫以勤魯孫元
吉世傳其業至鑾繼業尤精名動四方所著
有幼科類萃行世

凌漢章名雲號卧巖歸安人文學以孝感遇泰
山異人授明堂鍼術治秦籛疾上聞孝宗皇
帝延見聖躋殿賜太醫院御醫年七十有七

無疾而終生平輕財好義死之日家無餘貲
孫庠生瑄號雙湖奉慈壽太后詔施鍼浙閩
全活萬計晉登仕郎

周濟歸安人精于醫業療疾無不奇中治傷寒
尤驗雅好文墨馳譽浙中

列女

孔氏婦三吳郡國誌云嬭有八子訓以義方漢
哀帝時俱爲郡守後人名其居曰八子墩在
烏程西三十八里

姚氏烏程人乘公濟妻生二男而公濟及二兄
並卒二兄各有一男姚爲婚育自與二男寄
止隣家宋明帝詔爲二子婚旌其閭復其徭
役

羊氏烏程人羊緝女年十八隨母還舅氏母亡

晝夜號哭不飲食三日而亡鄉里號曰女表
趙氏二妾歸安人俱事宋宗室趙碧瀾老而益
貧二妾方少艾慮無以安其心因遣之去俱
弗從公曰慎無再見爾弗我從祗攪我心耳
二妾曰願執事終身為尼以報主恩公遂留
之他日公死果如所言公有寡女復資育之
趙氏名妙惠尚書孟之縉妻歸安人縉卒後以
補廕事攜子淳至京有近臣悅其色請于世
祖欲委禽焉使者傳旨到門趙曰妾寡願請
于簾內受旨既而出見使者則薙髮毀容矣
使者大驚上其事乃止

洪氏女名春春歸安人至正丙寅兵亂父德源
引女避居德清新市賊散走掠女與父匿空
舍賊入將逼女遂赴水而死時年十九
吳氏烏程人嫁同里金氏子至正丙寅湖城被
兵夫他往吳獨與子居已而城破吳度不免
亟登屋自投池中而死

卽氏安吉人朱甲妻仕浙東歿于官卽護喪還

至土山里留居避盜有勢家柳姓者欲強聘之即誓不從夜棄裝奉柩道柳邀之中道復死拒得免家居養姑甚謹姑嘗病即禱天割股肉進啖而愈大德間詔旌表之

吳氏烏程人年二十五有殊色至正丙申八月大兵逼城吳攜二子潛投茗水而死及城破人見其母子竝浮水面若不相離咸嘆異焉沈氏德清人少而明艷嫁爲邵氏嬪至正十六年兵亂氏爲張萬戶所獲逼之不從乃閉之

舟中夜四鼓守者稍懈陰取束筋納之口中面舟木觸喉而死

沈回奴德清人年十八元末兵亂回奴匿于蘆港中賊獲之求與合回奴從容諭之曰我願爲若妻然我室女必擇日具禮乃可賊信之攜至營責嬪守之回奴拔所筭銀簪截其喉而死

盛氏烏程人嫁丘岩元末兵亂岩挈避于官澤沈家堦盛時年二十四恐寇至被污曰堦水

清當死于此岩妹多奴卯奴俱年少聞嫂言
遂應聲曰願與大嫂一處死未幾冠至盛氏
投水死二姑相繼以沒

何氏名顯清烏程人劉德茂妻早寡養其姑以
孝聞洪武初旌表其門

章氏長興人李榮妻年二十八夫死值元末兵
亂備遭艱苦志操益確洪武初旌表其門

蔡孝女武康人嘗隨母入山林藥而虎突至攫
其母女卽挺身起之攀樹枝格鬪行三百餘

步虎舍其母傷女血土噴高丈許竹葉赤虎
卒舍之而去奄有餘息尋卒

郭氏徐彥名妻長興人夫早死子在襁褓家貧
織紉以自給洪武間旌表其門

沙氏主事即理妻安吉人洪武中理以直諫死
沙氏聞之哭曰夫爲忠臣妾獨不得爲烈婦
乎遂自經事聞上嘉嘆命爲大棺合殮仍賜
諭祭馳驛歸葬

張氏卞文銘妻安吉人夫早卒父母憫其年少

子幼諷嫁張入閨良久而出則髮皆剪矣竟弗能奪正統間旌表其門

陳氏錢勝妻烏程人年二十夫卒守節終身卒年七十六天順間旌表其門

閔氏陳經妻烏程人年二十五夫卒堅守節操卒年九十一成化間旌表其門

盧氏應道和妻歸安人生子三月而道和卒時年二十二守志不回成化間旌表其門

沈氏名妙圓幼許聘何姓者未及適嫁而何亡沈亟奔其喪解衣歛之四年葬而返績紉以備衣食卒年八十餘成化間旌表其門

范氏名瓊英徐珪妻安吉人年二十三夫死旌有欲奪其志者乃截髮以誓終身靡二成化

間旌表其門

倪氏臧奴子妻長興人年二十五夫死生遺腹子福齡誓不易節孀居二十三年奉舅姑以

孝聞弘治間旌表其門

沈氏德清人蔡玉妻年二十四夫死自誓不二

湖州府志 卷之十一
卒年八十二弘治間旌表其門

費氏長興人畢文信妻年二十六夫亡以死自誓正德間旌表其門

康氏德清人沈濤妻年方少而夫死悉屏色裳容其志堅苦孀居二十三年人無聞其言笑者正德間旌表其門

王氏安吉人吳忠妻家甚貧正德初夫疫死婦無所依有欲收之者婦不應乃爲麥飯瘞夫塚前痛哭良久以草簪裹其身自沉溪而死

徐氏字守貞烏程人年十六嫁潘順未朞而夫病篤顧徐曰我毋老汝年少奈何徐泣下卽引刀斷左小指以死誓夫死布衣長齋終其身年七十八卒取所斷指置棺中及出其指染鳳仙花紅色猶在衆咸嘆異

閔氏烏程人生員潘鈇妻年十九夫死孤苦自持守制終身嘉靖間旌表其門

唐氏烏程人生員王文妻年十七生子十日而夫卒婺守以壽終嘉靖間旌表其門

高氏李茂妻安吉人茂死高買棺葬之遂縊于

墓側

李氏歸安人生員孫溥妻年二十一夫死守志

三十餘年而卒嘉靖間旌其門

倪氏歸安人許聘陳敏八敏八從征不返遙以

死聞踰五十載而歸倪氏守志不嫁遂成婚

姻之禮時倪年六十一敏八年六十八人號

白頭花燭

茅氏烏程人生員錢欽妻避寇安固村遇寇茅

不從辱自投于河寇怒剖腹剜胎而死嘉靖

間旌表其門

吳氏烏程人舉人潘應宿妾年二十八潘卒矢

心守志卒年六十六嘉靖間奏允置扁

都氏安吉人陳滿妻幼割股愈母疾父為馬踐

傷足瘡潰生蛆都嗽口舐至嚙蛆吞之及長

婦滿滿疾復割左臂肉以羹進滿竟死時年

十九撫其孤良謨後登進士第有司奏旌其

門年五十六卒于京邸

馮氏臧葵妻長興人年二十四夫死無子守節四十二年嘉靖間旌表其門

姚氏生員孫應福妻長興人年二十三夫死無子誓無他志嘉靖間旌表其門


路氏梅溪路奇女年二十美姿色其夫貌甚寢且多病有富民見而悅之欲買為妾厚賂其父令諭意路度不可拒佯許之比來迎路曰少緩須臾當整容以行乃入卧内自經眾怪久不出視之則死矣

費氏錢塘妻長興人年十七夫死無子節操自持嘉靖間旌表其門

宋氏楊業妻長興人年二十一夫死守節不移嘉靖間旌表其門

王氏孝豐人梅禮妻年二十而寡子方一歲家貧甚紡績織紉以資衣食孀居六十餘年嘉靖間旌表其門

潘氏徐俊妻長興人年二十一夫死孀居五十六年隆慶二年旌表其門



張氏歸安張弘裕女年十七聘烏程生貞嚴大
臨未歸而大臨卒張聞訃欲自絕父母力衛
之不得遂張乃盡焚衣飾至大臨家哀毀殯
殮早暮喪禮不渝誓終身不易年七十奏表
其門

湖州府誌卷之十二

脩兵

王公設險匪獨山川扞圉之功寔資兵革
湖處澤國據形勢者必爭大都順其從風
抗無固志■軍實以衛民社不可無徵也
志脩兵考第二

漢獻帝建安四年巳知歲烏程人鄒佗錢銅謀
反孫策討平之

晉武帝泰始二年丙戌歲永安

即武康

山賊施

叔吳主弟永安侯譙作亂北至建業爲丁固
諸葛靚所滅

晉懷帝永嘉四年庚午歲吳興建威將軍錢璿
因被徵起兵反進攻陽羨瑯琊王遣將軍郭
逸討之周玘糾合鄉兵與逸同討平斬之

愍帝建興二年甲戌歲周勰使徐馥聚衆起兵
次年正月殺吳興太守袁琇王導遣勰族人
周筵以計討平之仍 勰如初

元帝永昌元年壬午歲王敦叛吳興沈充亦起
兵應敦至明帝太寧二年甲申歲與劉遐蘇
峻戰敗爲故將吳儒所殺

成帝咸和四年己丑歲蘇峻祖約 黨張健韓
晃馬雄兵趨故鄣郗鑒遣叅軍索閔追討斬
之于溧陽界之平陵山

安帝隆安三年己亥歲孫恩叛吳興丘瓌起兵
應之殺太守謝邈僞授吳興太守旋爲謝琰
劉牢之所破尋爲高素所殺

隆安四年庚子歲孫恩寇浹口入餘姚破上虞

進及邢乘勝到會稽吳興太守庾桓恐郡民復應恩殺男女數千人

太和中長城人錢浩聚眾百餘匿原鄉山中爲亂以朱序爲中軍司馬吳興太守討平之

宋文帝元嘉三十年癸巳歲隨王誕起兵討元兇邵吳興府司馬丘珍孫殺太守汝南周嶠舉郡應誕

宋明帝泰始二年丙午歲晉安王子勛之亂其黨孔瑛屯吳興殿中御史吳興討逐之後斬于會稽

齊和帝中興元年辛巳歲蕭衍已破建康獨吳興太守袁昂拒守不降後遣李天履巡撫東土以衍旨諭昂昂雖不降而開門撤脩

梁武帝天監九年庚寅歲宣城郡吏吳承伯挾妖術聚眾攻殺太守朱僧勇踰山巷至吳興吏民奔散太守蔡搏募勇敢閉門拒守承伯盡銳攻之搏帥眾出戰大破之臨陣斬承伯餘黨入新安臺兵討平之

梁武帝太清三年己巳歲御史中丞沈浚避難
東歸與吳興太守張曠合謀舉兵討侯景景
將侯子鑒至吳興曠戰敗還府整服安坐子
鑒執送建康曠守節不撓闔門被殺并殺沈
浚

梁武帝太清三年己巳歲劉神茂兵自吳興趣
富陽

梁敬帝紹泰元年乙亥歲吳興太守杜龕王僧
辨之黨也霸先將圖僧辨密使兄子禧還長
城立柵以脩龕僧辨死龕據吳興拒霸先義
興太守肅載以郡應之陳禧至長城收兵止
數百人杜龕遣其將杜泰將精兵五千奄至
將士相視失色禧言咲自若部分益明衆心
乃定泰晝夜苦攻數旬不克而退霸先使周
文育討龕救長城至次年陳禧周文育合
軍攻杜龕于吳興龕勇而無謀嗜酒常醉其
將杜泰陰與禧等通龕與禧等戰敗杜泰降
於禧龕尚醉未覺禧遣負出於項王寺前斬

之

唐高祖武德元年戊寅歲武康沈法興爲吳興太守聞宇文化及弒逆舉兵以討化及爲名比至烏程得精卒六萬遂攻餘杭毘陵甬陽皆下之據江表十餘郡自稱江南道大總管承制置百官至次年改元延康稱梁王又次年爲李子通所敗溺死于江

肅宗上元元年庚子歲宋州刺史李展叛其將孫待封進陷湖州領湖州事次年將出武康

將會張景超攻杭州淮南都統副使李藏用將溫晁擊敗之待封脫身奔烏程劉展旋被田神功將賈隱林所擊斬待封詣藏用降

憲宗咸和二年丁亥歲鎮海節度使李錡選腹心五人爲所部州鎮將姚致安處蘓州李深處常州趙惟忠處湖州丘自昌處杭州高肅處睦州各有兵數千伺察刺史動靜及叛各使殺其刺史常州刺史顏防用客李雲計矯制稱招討副使斬李深傳檄杭湖睦請同

進討湖州刺史辛秘潛募鄉閭弟子數百人
夜襲趙惟忠營斬之蘓州刺史李素爲姚致
安所敗生致于錡未及京口會錡敗得免

僖宗乾符二年乙未歲浙西狼山鎮邊使王郢
等六十九人有戰功節度使趙隱賞以職名
而不給衣糧郢等論訴不獲遂劫庫兵作亂
收黨衆近萬餘人攻陷蘓常轉掠浙福次年
七月以前巖州刺史高傑爲左驍衛將軍充
以海水軍都知兵馬使討之又次年郢橫行

浙西鎮海節度使裴瓌密招其黨朱實降之
散其徒率器械舟航粟帛勅以實爲金吾將
軍于是郢黨離散東奔明州甬橋鎮邊使劉
巨容射殺之餘黨皆平

僖宗乾符五年戊戌歲王仙芝餘黨曹思雄寇
湖州鎮海節度使裴瓌遣兵擊破之王重隱
死

昭祖景福元年壬子歲楊行密屢敗孫儒兵破
其廣德營張訓屯安吉斷其糧道儒食盡士

卒大疫遣其將劉建鋒馬殷分兵掠諸縣六月行密聞儒疾瘧戊寅縱兵擊之會大雨晦冥儒軍大敗安仁義破儒五十餘寨田頔擒于陳斬之傳首京師儒衆多降于行密

昭宗乾寧二年乙卯歲楊行密遣寧國節度使田頔潤州團練使安仁義攻杭州鎮戍以救董昌昌使湖州將徐淑會淮陽將魏約共困嘉興錢鏐遣武勇都指揮使頔全武救嘉興破烏墩即今烏鎮光福二寨次年安仁義以舟師

至湖州欲渡江應董昌錢鏐遣武勇都指揮使頔全武都知兵馬使許再思守西陵仁義不能渡又次年兩浙將頔全武等破淮南十入營虜淮南將士魏約等三千人淮南將田頔屯驛亭埭兩浙兵乘勝逐之頔自湖州奔還兩浙兵追敗之頔衆死者千餘人

昭宗天復二年壬戌歲吳越右武都指揮使徐綰乘錢鏐如衣錦軍據杭州城作亂湖州刺史高彥聞難遣其子渭將兵入援至靈隱山

縮伏兵擊殺之

梁太祖開平三年己巳歲湖州刺史高澧糾民爲兵有言其咨怨者澧悉集民兵于開元寺給云犒享入則殺之死者踰半在外者覺之縱火作亂澧閉城大索凡殺三千人吳越王鏐欲誅之澧以州附吳舉兵焚義和臨平鎮鏐命指揮使錢鏐討之次年澧求救于吳吳常州刺史索簡等將兵應之湖州將盛師友沈行思閉城不納澧帥麾下五千人奔吳吳

越王鏐巡湖州以錢鏐爲刺史

均王貞明四年戊寅歲吳使鎮南卽度使劉信攻虔州譚全播吳越王鏐命統軍使傅球攻信州以救吳以前舒州刺史陳璋爲東面應援招討使將兵侵蕪湖以牽制之

宋高宗建炎三年己酉歲兀朮自廣德過獨松關見無戍者謂其下曰南朝若以羸兵數百守州吾豈能遽度哉遂犯臨安

理宗寶慶元年乙酉歲湖州人潘玉與其從兄

濟州府志 卷之十一
甫弟丙以史彌遠廢立不平乃遣甫密告謀
立濟王意于李全全欲坐致成敗陽與之期
日進兵應接而寔無意也王等信之遂部分
其衆以待及期全兵不至王等懼事泄乃以
其黨襍販鹽盜千餘人結束如全軍狀揚言
自山東來夜入州城求濟王王聞變匿水竇
中壬尋得之擁至州治以黃袍加王身王號
泣不從壬等強之王不得已乃與約曰汝能
勿傷太后官家乎衆許諾遂發軍資金帛會


子犒軍知州謝周卿率官屬入賀壬子僞爲
李全榜揭于門數史彌遠廢立罪且曰今領
精兵二十萬水陸並進人皆聳動比明視之
則皆太湖漁人及巡尉兵卒耳王知事不成
乃遣王元春告于朝而帥州兵討壬壬變姓
名走楚州甫丙皆死元春至行在史彌遠懼
甚急召殿司將彭士帥師赴之至則事平矣
壬至楚將渡淮爲小校明亮所獲送臨淮斬
之彌遠忌紘詐言紘有疾令余天錫召醫入

湖州視之天錫至諭旨逼竝縊于州治以疾
覺聞尋詔追貶為巴陵郡公又降為縣公改
湖州為安吉州

帝熈德祐元年乙亥歲元兵破獨松關馬驥死
之守將張濡遁獨松既破隣邑望風皆遁朝
廷大懼


帝熈德祐二年丙子歲元兵圍安吉州知州趙
良淳與提刑徐道隆同守時元兵迫行都召
道隆入衛道絕不通乃由太湖經武康臨安

縣境勤王范文虎致書誘良淳降良淳熱書
斬其使元兵至良淳帥兵城守夜就宿舍俾
上不歸既而戍將吳定國開門納元兵良淳
閉閣自經元兵追道隆及之一軍盡沒道隆
被執守者少怠赴水死長子載孫亦赴水死
元順帝至正十二年壬辰歲徐壽輝遣項普畧
引兵攻杭州城中猝無條叅政樊執敬遽上
馬率衆出中途與賊遇乃奮力斫賊中鎗而
死時董搏霄從江浙平章教化攻安豐乘勝



攻豪州會朝廷命移軍援江南遂渡江至德清而杭州已陷搏霄力勸教化乘賊未備急攻之復拔劍激發諸將遂進薄杭州諸軍相繼夾擊凡七戰追殺至清河坊賊奔接待寺塞其門而焚之賊皆死遂復杭州已而餘杭武康德清次第平後賊復攻獨松百丈幽嶺三關搏霄乃先以兵守多溪多溪三關要路也既又分爲三軍一出獨松一出百丈一出幽嶺然後會兵搗賊巢遂乘勝復安吉

順帝至正十六年丙申歲張士誠隔平江路據之改爲隆平府遂陷湖州松江常州諸路順帝至正十七年丁酉歲高皇帝遣耿炳文劉成自廣德取長興張士誠將趙打馬以兵三千迎戰敗走湖州戊申耿炳文克長興獲賊艇三百餘艘擒守將李福荅失蠻等義兵萬戶率所部二百人降乙亥改長興爲長安州立永興翼元帥府以耿炳文爲提兵部元帥劉成爲左副元帥李景元爲右元帥守之



順帝至正二十四年甲辰歲張士誠丞相士信以兵侵長興守將耿炳文破之獲其元帥宋興祖士信恚甚復益兵圍城湯和自常州來援與炳文等合兵復擊敗之士信走還

順帝至正二十六年丙午歲左丞廖永忠叅政蔣顥將遊軍至湖州之德清遂取之獲舡四十艘擒其院判鍾正張士誠自徐志堅兵敗懼甚乃遣其右丞徐義至舊館覘形勢將還報常遇春以兵阨其歸路義不得出土城遣

赤龍舡親兵援之義始得脫與潘元紹率赤龍舡兵屯于平望復乘小舟潛至烏鎮欲援舊館遇春由別港追襲之至平望縱火焚其赤龍舡軍資器械一時俱盡衆軍散走自是張氏舊館兵援絕饋餉不繼多出降王子遇春敗烏鎮士誠將徐義潘元紹拒戰不勝復退走遇春追至昇山遂攻破其平章王晟六寨是夕王晟亦降戊寅徐達復攻昇山水寨顧時引數舟繞士誠兵舡舡上人俯視而咲

時覺其懈率壯士數人躍入其舟大呼奮擊
餘舟競進薄之士誠五太子盛兵來援遇春
稍却薛顛帥舟師直前奮擊燒其舡其衆大
敗其五大子及朱暹李珍等以舊館降得兵
六萬人十一月甲申徐達遣馮國勝以降將
呂珍王晟等徇于城下語伯昇出降伯昇欲
自殺爲左右抱持得不死其左丞張天騏搃
管陳昧等遂舉城降伯昇亦降

明末樂十二年廣茗鄉

今屬孝豐

吳貴歸謀亂隣境

騷動陽武侯薛祿帥兵來討御史祝監其軍
朝命克定之日盡殲安吉長興二邑兵至一
鼓而擒二邑之之人脅從者少陽武侯按兵
境上祝御史兼程馳請得宥免之惜逸其名
耳


正德十三年孝豐湯毛九招集亡命與叔構訟
不勝遂殺之嘯聚山林其黨楊昂等流劫旌
德縣庫事聞于朝巡撫都御史張津督兵來
討知府呂盛親詣賊壘譬曉禍福賊衆咸悟

法少月言 卷之十一 三
環拜就縛兵不血刃而平

嘉靖三十五年安吉江天祥集衆欲殺其怨家
巡按御史林應箕檄叅政曹沐僉事胡堯臣
進勦謀於唐樞樞曰此山民之無知者激之
則變愈生宜緩之因身入賊巢曉以赤族之
禍天祥叩首出血遂還故居散去餘黨帖然
服罪後一年有司潛使其黨沈龍殺之

嘉靖三十六年北干妖人馬道自稱祖師匿烏
程霞霧山中倡白蓮教惑民皈依者僞授職
銜印識白巾爲號烏程民蔣鵬等潜伏郡城
尅期四起內外響應烏程鄔采發其事于上
簿田本渭聞之知縣蔣弘德及歸安知縣李
從教方閉城捕之人情洶洶會知府李敏德
來自省城密納唐樞贊畫亟開城門以消內
激之變且決策安撫爲上勦捕次之自是脅
從者稍解賊首蔣鵬尙收餘黨屯次烏鎮軍
門檄府督同千戶蘓金蔡懋恩李鉞擒之時
長興知縣黃辰亦縛逆黨包松等數人無一

涪州府志 卷之二十三 十五
脫者



附兵屯

宋太平興國中設禁軍營四威果在子城西南雄節

在子城西北全捷在子城西北龍騎在子城北廂軍營四崇

節在子城北壯城在子城西南水軍在子城北牢城在子城北皆

屯兵以司防禦又廢營三屯駐改全捷營開江改水

軍營馬軍在駱駝橋北莫詳其始

明初丁酉師克長興置永興翼元帥府以禦僞

吳尋改爲興武衛親軍指揮使司又改爲長

興衛指揮使司及僞吳平改爲千戶所洪武

涪州府志前編 卷之二十三 十五

八年調千戶所軍守湖州移所署于府城在歸

安魚樓界定為湖州守禦千戶所官無定額

今正千戶三員副千戶七員署副千戶事百

戶一員管鎮撫司事百戶一員百戶七員吏

目一員司吏一名軍吏一各裁革總旗八名小旗二

十一名軍人八百九十九名

正千戶蘓真鳳陽人洪武二十八年任李雄山後人嘉靖十年調任

劉瑞揚州人永樂二十年任副千戶孫文仁和人洪武二十三年任

蔡希顏德清人弘武十年調任劉環歸德人永樂七年任張琪仁春

人景泰元年任王貴建州人宣德四年任韓木臨淮人弘治八年調任沈

雄泰州人嘉靖十年調任百戶申炳宛平人百戶張文秀

山後人徐相鄆州人百戶黃良璧建德人百戶時節

六安人劉思泗州人鄭世臣寧波人趙堂鄧州人范涵

興國人張元煥江都人授百戶納級副千戶管鎮撫事

操軍六十八名每名月支米六斗無漕舟六

十艘運軍六百六十名每名月支米八斗舊額漕舟五十七隻嘉

靖三十三年因海警代海寧衛漕者三隆慶四年又代温州衛漕者十有二因愆已甚隆

慶六年分守叅政李淑因指揮僉事蘓金之請通申撫按題准開免一十二隻軍人稱便

范應期
記之

屯田四十八頃二十一畝七分五厘屯軍一

百五十三名

舊額屯田六十九頃八十九畝三分七厘近為各州縣居民奉

例告佃本所止屯安吉田一十六頃八十八畝九分三厘身程田三頃六十六畝六分一厘

歸安田一頃一十一畝六分八厘本所本折屯糧正米二千二百五十一石七斗三升八

合五勺二抄五撮內本所軍屯米一千一百二十五石五斗九升七合七勺二抄五撮安

吉州民屯米三百七十三石二斗二升一合六勺烏程縣民屯米九十一石九斗七升一

合長興縣民屯米八十五石四斗四升九合二勺折色米五百七十五石五斗每石折銀

二錢五分共銀二百八十七兩七錢五分內本所米四百六十九石三斗七兩七錢五分內

四兩六錢五分安吉州米四十四石五斗該銀二十二兩二錢五分身程縣米六十一石

七斗該銀三十兩八錢五分

所署後為軒前為堂左右為兩廊東為吏目廳西為鎮撫廳為監房堂之前為儀門

為所

旗臺在所前洪武八年鎮撫劉顯署

旗纛廟在所東北江子匯南趙孟頫鷗渚亭故址

演武場唐有射堂在白蘋亭西宋有教場在郡治西北內有正巳亭俱燬明洪武

間建于所東南定安門內計二十七畝旗臺一座演武廳三間

軍器局在馬軍巷和尚明盛九護帽九紅纓橋下歲造軍器

州志前編卷之十二

九 盔絆 凡一 腰刀 凡八 挽手 凡八 紫花黃布鐵甲

九 勇字 凡九 甲裡衣 凡九 有弓 凡八 鐵箭 凡四 線

弦并扣 凡一 弓袋箭袋 凡八 皮帶 凡一

雜造局 在歸安縣學前

操差民壯 制額增減不一 嘉靖二十一年奉例額編

一千九十名 歸烏各二百名安吉一百四十名長德孝各一百五十名武康

於丁田內派辦收貯縣庫按季給領 三十一

年加編共一千三百一十五名 烏程縣操練二百八名雜差

七十名 安吉州操練一百名雜差二十名

長興縣操練一百六十名 雜差四十三名德

清縣操練一百五十名 雜差五十四名武康

縣操練八十一名 雜差三十五名孝豐 隆慶四年

奉文將原額民壯一千九十名內抽八百三

十七名徵銀起解布政司收給營兵存留民

壯二百五十三名 安吉三十八名歸烏長德

名 六年會議加編二百七十一名分撥巡哨

防守城池 歸烏各六十九名安吉二十一

康一十七名 巡鹽應捕原額本府二十名

限獲鹽七萬二千 安吉八名 每年限獲鹽四

年扣解役銀烏程歸安長興武康各十名每

限獲蓋二萬四千每德清十名每限獲蓋三

十四每孝豐六名每年限獲蓋二千四百斤仍

湖州所五名舊額十名近奉例裁革五名每

一十本府所屬八巡司原額弓兵二百四十

名每司弓兵三十名近奉文裁革五名濟邊

萬六千斤每艇四十四隻天目山巡檢司原因

山僻不限艇蓋扣役銀二十二兩充課

萬曆元年分守叅政史朝宜以府城防禦虛

弱請兵保障調發哨官兵一百四名分撥各


門防守哨官一名隊長三名什長九


府粟祁請造營房二十間以便棲止定安門

源門三間迦禧門四間奉勝門二間

臨湖門三間迦春門四間

志前編





廨署

舊郡治在子城內吳寶鼎元年建即烏程縣
故治也唐弘道中刺史武大冲拓其廳事宋
元祐七年知州事張詢增建勅書樓架閣樓
畫錦堂在郡宅東訟希齋在廳事西郡圃之
內有逍遙堂思政堂舊名熙堂熙寧中孫莘老建

墨妙亭以貯境內之古文遺刻

蘇軾碑記熙寧四年十一月

月高郵孫莘老自廣德移守吳興其明年二月作墨妙亭於府第之北逍遙堂之東取凡境內自漢以來古文遺刻以實之吳興自東晉為善地號為山水清遠其民足於魚稻蒲

蓮之利寡求不爭賓客非特有事於其地者不致焉故凡守郡者率以風流嘯咏投壺飲酒為事自莘老之至而歲適大水土田皆不登湖人大飢將相率亡去莘老大振廩勸分躬自撫巡勞來出於至誠富有餘者爭出穀以佐官所活至不可勝計當是時朝廷方更化立法使者旁午以為莘老當日夜治文書赴期會不能復雍容自得如故事而莘老益喜賓客賦詩飲酒為樂又以其餘暇網羅遺逸得前人賦咏數百篇為吳興新集其刻書尚存而僵仆斷缺於荒陂野草之間者又皆集於此亭是歲十二月余以事至湖周覽嘆息而莘老求文為記或以謂余凡有物必歸於盡而恃形以為固者尤不可長雖金石之堅俄而變壞至於功名文章其傳世者後猶為差久今乃以此托於彼是久存者返求助於速壞此則昔人之惑而莘老又將深簷大屋以錮智之推是意也其無乃幾於不知命

也夫余以為知命者必盡人事然後理足而無憾物之有成必有壞譬如人之有生必有死而國之有興必有亡也雖知其然而君子之養身也凡可以衛生而緩死者無不用其治國也凡可以久存而救亡者無不為至於無可奈何而後已此之謂知命是亭之作殆無足爭者而其理則不可以不辯

又有清樾亭挽翠亭歲寒亭子城之上有會景樓卞蒼樓通判廳在子城內治平三年張大寧建有

麗澤亭僉判廳在衙東門內治平中許將建

城上有桂香亭元改為湖州路總官府至大

間總官馬煦建廳事解宇至正五年達魯花

赤苦思丁公重修宇文公諒記吳興為東南望府天目分秀雙溪合流

金蓋諸峯峙其陽蒼卞具區亘其陰民俗文雅清醇素稱易治王謝顏蕪之流風猶可尚也舊治重建于至大間垂四十年矣棟宇欹撓墻壁頽圯居官者視為傳舍謾不經意至正五年冬今郡守苦思丁公以中朝俊又出牧是邦其清德備望足以革貧饕其通寸明識足以析冗滯約而精嚴而怒念民之久困而不忍以析冗滯約而精嚴而怒念民之久困然府治不可以不新也於是計葺生積鏹斥去浮費取其贏餘徵工市材合衆偕作擇吏之廉而能者董其事回僚咸是之曾未幾完舊益新百堵就緒門無赫奕廳堂邃嚴幕寮靡不周葺垣墉暨茨工告畢役見者駭其神速而民殆未始知也於是感公之德而樂其有成咸請紀之以示來者余惟慎擇守令固以為民也曩者一役之興百廢絲棼吏

緣為奸民病曷勝求其不撓而集不謀而成未之有也况府治者政之所自出公知新其所自出矣豈無新其所出者乎新其所出者蓋將立道德為門戶崇仁義為棟宇勸敏以營之忠信以居之文儒以飾之無急徵橫索為風雨以剝乎上也無宿蠹巨猾為斥斧以戕乎下也政平訟理闔境之內甦食鑿飲溼求鼓舞有不知其所自來者此公之志而士民尤以此望于公也奚又建推官廳于廳之止府治之新而已哉

右馮福記經歷司在廳事左

明仍為府洪武三年知府侯善因其舊而鼎新之天順四年知府岳璿重修成化九年知府

勞鉞復大新之張廉記成化八年冬進士九江勞侯自太僕丞來為湖郡



守蒞事期月簡靖平易民安其政問視公署
 敞壞志於興廢悚然而嘆曰昔人有言民非
 政不又政非官不舉官非署不立是三者之
 相為用也居守者視其敞而弗葺何官之立
 也何政之舉也何民之安也其所係豈細故
 也哉天順四年前守大梁岳公璿因正堂頽
 敗建而新之又以譙樓外樹牌額曰丞五宣
 化亦嘗庸心於此矣歲久寢入于敞而譙樓
 儀門兩廊外及陰陽醫學建置日久前後雖
 經修葺風雨飄凌棟朽梁腐傾頽尤甚况譙
 樓樓鼓角以驚軍民兩廊居吏胥而歲卷籍
 尤所當重者乘敞更新非吾事而誰事也於
 是謀諸僚佐市材鳩工次第興作正堂則修
 葺之譙樓儀門兩廊以及陰陽醫學則再建
 之棟梁椽桷之堅甍甍巧填之固復加於昔
 而碑額逼近譙樓大弗克稱又從眾議徙而
 南數十步且析為二焉經費所需咸出於官
 而民不與工肇於成化九年六月二十四日

舉於成化十年正月十六日凡為屋六十餘
 間約費銀二千餘鎰自經好迄成功二百餘
 日高敞壯麗起以敞於一新誠足以立永遠
 之弘規成太平之盛觀也功既成屬予紀其
 歲月洪惟我國家列聖相承德澤涵煦
 天下又安百有餘年今天子仁聖垂拱無
 為六卿百執事各修乃職慶賞刑威赫然振
 舉湖郡地方千里甲於南服漸漬聖化悠
 久深長而侯又以慈祥豈弟化導其民通判
 亢公通王公章李公智推官劉公璋又皆惻
 惻無華相與輯睦以佐其長六邑之民帖然
 安居國家之德澤至厚也守佐之承宣甚
 賢也一郡之民庶甚安也而斯役之成適
 其時矧夫官由是而立政由是而舉民由是
 而又有關於事之大者豈直為觀美也哉且
 斯役也亟而不傷於急徐而不厭于緩財不
 過費民不怨勞誠非特詘而舉羸者故湖之
 四民咸喜聞而樂道之壤亦湖人也不敢以

淺薄辭而僭記其隆慶五年知府栗初重修實以傳諸以遠云

今中為正堂左翼為豐德庫右翼為架閣庫

為儀仗庫堂後為軒為後堂扁曰頽魯正堂

之前東為經歷司西為照磨所並南向東西

列房科各四東勘合科吏戶禮房西承發司刑工房庭前為戒

石亭又前為儀門左右為榜廊東廊末為迎

賓館西廊末為司獄司又前為譙樓為府門

門旁為惠民藥局左為旌善亭右為申明亭

亭南為府前總舖萬曆三年春知府栗初新建官廳三間

知府廨在後堂之後

左為同知廨

為推官廨至大間馬煦建扁曰公明萬曆二年推官張應雷立題名石於廨門

左之

其南為經歷廨

為知事廨

稍東為吏舍隆慶五年知府栗初重建為間六十有

右為府事通判廨

為督儲通判廨

為添設通判解

清軍館在府治東北與織染局並

舊館在府治內嘉靖

二十七年同知王顯忠欲徙於今處以遷任不果三十三年同知伍偉改建於此三十九

年同知黃登重修

督儲館在府治稍西

嘉靖五年通判胡淪即養濟院舊基改建萬曆

二年春知府栗和重修

添設館在烏鎮

嘉靖十年建舊設通判一員駐此督緝盜匪慶元年奉

例裁革館隨廢萬曆二年冬本館推官張應

本地方乃浙直之交湖州之烏鎮嘉興之桐鄉蘇州之吳江三邑相連豪右恣逞奸盜許

偽為害滋蔓議請添設同知以重其任撫按

仍建前館軍門謝按院蕭守道朱

巡道王名議題准緣由具載烏鎮條下

理刑館在察院後嘉靖四年推官李涵建龍

館推官以刑專職率于私衙聽之正德初乃

居趙安寺祠遷安吉于土祠故址而祠焉后

土則不祠矣私衙則弗肅假祠則弗安后土

不祠則廢禮邦典維何昔弊今承嘉靖癸未


之冬靈龍李君涵以進士推刑適來歲歎訟

興如狼之驅如蝟之叢雜至紛積眩勞心目

斯館之圖時則未遑又二年乙酉時和政優

官有餘思民有餘營爰相郡治之西有隙一

區僚案是謀太守是咨大巡攸同屬吏協供



防以周坦肅樹屏胥隸有樓囚徒有處崇
 庫之制樸斲丹籬之施弗侈于文弗陋于規
 自昔以來之闕典興而作之五閱月而告成
 徵財而裕賦之而勤者順也亦宜也邦人具
 瞻宿僚樂只乃屬余文用紀成績越茲一州
 六縣之風山巘而溪迂維民所鐘訟性如之
 維堂巘巖維庭考考維李君之明湖民是保
 維齋渠渠維所秩秩維李君之祥湖民是保
 李君自檢能約以家學世其官斯館之成既
 順而宜百祥所基地嚴則政立祠還而禮彰
 一事之作衆美攸具是用伐石勒文
 紀之歲月庶俾來者知作之所始

儒學在府治東北

見學
校誌

湖州守禦千戶所在府治南

見兵
屯誌

泰定倉在江渚滙東

即東倉舊基宣德間改
建隆慶五年知府栗

重修

稅課司

崇新
界

織染局

府學
吏

茗溪驛

見郵
遞誌

陰陽學

道紀司

玄妙
觀

僧綱司

飛英
塔院

醫學

俱府
學西

羈候所在泰定倉內

萬曆元年知
府栗初建

察院行臺在烏程學左

弘治二年知府王恂
即太定倉舊址建萬

曆一年知府栗初建公

解一所于行臺門右

按察分司在駱駝橋東

隆慶元年改為布政分司

布政分司在察院後稍北

隆慶元年改為按察分司

公館在織染局西

烏程縣舊治在子城內即今之府治晉義熙

間遷子城西一里唐時肇建廳事太和二年

閣下生蓮花因名蓮花閣宋乾寧三年縣令

余蟾重修

揚夔記叔孫昭子聘於晉晉受邪昭子不以拘為意止之舍有壞必葺去之如始至故春秋賢之今有受九重之命故其民凋瘵者繫之以緩訛敝者籍之以侈既以公館毀摧圯漏視而不治者無乃取譏於君子乎

乎丹陽余公蟾再尹於烏程降車之春察訟決獄之暇周視縣署其門傾其廳歎其墻圯其廡偃頽簷側楹倒移相倚風雨罔庇公嘆曰建之者何人壞之者何心既叨守邑其敢不力自慰以圖自修乎然屬天未悔亂兵火猶熾專城而居者其可無備乎故儲軍數萬以戒不虞而軍須軍餼僉賦於縣務繁力匱久莫克舉公乃宵分而寢五鼓而興行持坐惟不遑所安近越於時方克儻功於是節冗費之用資贖辟之金儲力於農休徵工以厚償聽斷之餘策杖以巡慰其勞者最其墜者設茗及食日有省視於是工操斧斤如蟻集

臚傭運其材如水赴湜財以儉而蘊故其用給人以為悅而使故其功倍不期年而象宇鼎新若換大門中門修大廳小廳東西門新押司錄事院建人吏祗候房砌縣之外城凡百餘雉荆宅之周垣近一百堵修衆僚之宅五造廳庫之橋六疏西亭之汙池制公廳之什

器有遺罔不增構其尤赫赫者如每歲徵賦
 主胥類於廳之西廡以其輸賦駢湊滿逸是
 虞乃增廡之一楹構欄以限其內外俾未絕
 罔耗此以見公謀之經久也縣之西北隅舊
 有帳院蓋鄉史團集里書之所歲月綿遠崩
 壞無幾每遇霖潦則束席就燥以避其沾濕
 亦有時矣加以往來奔走泥渾之患舉邑是
 病無從可革公於是歷揆其損以籌完葺正
 傾支摧增新易壞類夫重構復建修廊以達
 於都門兩有依暑有陰從役者不知其勞矣
 此以見公情之恤下也公帑摧敗上漏下濕
 周垣雖設扁不為固易所謂謾蔽而誨盜也
 公乃擇堅以革枯選宏而化陋厚厥垣嚴厥
 闕此以見公志之防閑也縣之園扉頽危莫
 甚彼犯大辟得繫者豺狼野心脫走是務閉
 闔不謹垣墻不慎是遺肉於虎吻也且糞壤
 狼穢戾其矜恤之意公乃剗積弊滌宿汙靡
 以繁其榻食以茹其餼此公之處心慮物也
 先是縣之秋曹掾蕪公頽釋褐之官也始至
 兼戎曹遇上巳節郡有角楫之戲郡守出觀
 則司戎者職其事因乘小艇往來檢馭郡治
 之南溪波浩洋而舟覆焉衆駭愕謂不可援
 俄聞空中有言曰無損蕪公忽有翰流以出
 其舟蕪公存焉俗稱其地為蕪公潭大曆中
 縣令李晤故相國紳之父也相國誕於縣署
 幼弄之歲墜於縣之東池逾數刻忽若有物
 翼者出於池面相國畧不為苦二者皆縣之
 故事而圖經不載公乃檄請邑人太學博士
 丘光庭編輯遺事始著於籍於是盡列其狀
 請言於弘農楊夔夔學春秋固當以紀功書
 績為事公前任日崇修先聖之祠為文績功
 刻石於縣今復紀此弘烈蓋以慰縣人之思
 也况公以民吏之勤請不舊有勅書樓手詔
 可拒絕由是採石勒之

亭廡內有公生明軒製錦堂桃露亭松桂亭

清閣亭丞廳在縣治東主簿廳在縣治南尉

廳在定安門內元即舊治至正十二年燬于

兵達魯花赤兀訥古赤重建增譙樓戒石亭

移丞簿廳典史幕在縣治內 趙肅記

明朝洪武二年知縣危止即舊治重建正德十

三年知縣陶益修嘉靖三十六年知縣蔣弘

德重修 樞記 烏程東南望邑其廳事莫詳其

肇始 蓋歲以敝腐往茲不恪以粉澤

掩飭或附支墮罅內毀替發輒延堦作巨頽

邑自王子寇熾日供輸不暇給公私告因吏

雖能者吐舌避興作為是敝腐者甚少溪蔣

侯蒞止丙辰士民亟以請侯曰事以時舉民

以情役姑徐圖之會亦以貨鏹麗於憲者且

屬關涉不能暴侯曰可以處矣得充其用半

因縷續省務有議重而以輕及識成而作勝

乃慎測焉量入其村旆以為開贖於是資料

阜積歲丁已夏遂撤而新之易其不可而仍

其所可竹泉鉛銷之直悉取宮中而用之毋

擾於市凡攻木攻金設色刮摩搏埴之工償

以常獲營成而四民有弗知者遠民之良以

董庶作而躬不憚勤自經始迄落成繩度展


實沿段之則咸出侯心匠而稽其出納之數

割其高下之賈酌其華簡之分程其工日之

限罔弗加之意故志集而成速事半而功則

倍之工不五越月畢費止若千金不科民一

可以攸躋也乎夫令之於邑也乘之俟人而
治也邑之於堂也政之由居而出也詩美攸
躋善其人也而所以善其人者善其政也政
競則民苦而事強政練則民慢而事隳若斯



役墜舉而不失其次其免於二者之為倚哉
僕廳事既就載瞻惟門出入必從係為之紳
其模臬而繁其樹塞爰有行棲漫無約扁為
之妥其室巷而一其興居亦有土祠溷以園
庾為之別其圍屋於祠之東徙其庾屋於祠
之西而益以數楹所以奉神而專業構設以
漸成不費民亦廳事
之遺法也并為之書
中為廳事後為軒為後
堂廳事之西為典史廳東為東庫西為耳房
東西序為六房中為戒石亭前為儀門儀門
之內東為義倉門西為架閣庫為監房
止碑
君記
又前為縣門君子堂在縣門內左申明
亭旌善亭在縣治東

知縣廨在後堂後

景泰間知縣宋彬建

東為縣丞廳二

廨後有相國池亭舊名東亭

楊夔記

西為主簿

廨為典史廨又西為吏舍

知縣張邦彥重修

儒學在縣治東

見學校誌

大錢湖口巡檢司

縣東北一十五里洪武二年置

後潘村巡檢司

縣東五十里洪武三年置

官澤稅課局

南潯鎮洪武十八年置

大錢河泊所

大錢湖口洪武十四年置近華

便民倉

在安定門內西岸宣德十年建嘉靖九年知縣戴嘉猷重修劉麟詩嘉靖

庚寅秋九月既望湖州烏程縣營修便民倉
 成倉自始建距今六十餘祀湖州本澤國恒
 雨倉址在烏程治南其地尤下歷歲既久故
 圯毀不支殆不可以為儲者是年夏五月載
 侯以名進士蒞茲者二年百度咸貞而倉事
 猶因舊自之太守石梁子萬子曰子力行之
 邑政斯為備搃凡勸成郡罔或異惟汝節亦
 惟汝畫汝乃懋慎厥責侯退而嘆曰民義神
 奸匪斷曷謀嗟我積倉國計之攸受直息事
 猷豈其儔尋有復於萬曰烏程壯邑也故倉
 之為厥者百二十有奇而餘糧之貯者弗與
 焉郡邑臨視並有廨宇而門墻樓額者弗與
 焉悉索縣帑得金數僅七百何可以辦之猷謂
 邑祠多淫淫斯毀毀斯售售可得金四百有
 奇二者合作吾倉其庶幾也太守曰得之矣
 侯遂上其議於諸路諸路罔不報可侯詔吾
 丞丞曰浮梁劉君遷大倉金君章詔吾簿簿
 曰肥君孫君智詔吾幕幕曰蕭田許君才甫

擇吾民民取諸耆舊曰潘氏鐸既萃于公侯
 乃戒曰倉茲大廢廢欲興公不欲蠹工欲敏
 民不欲勞予有公帑之金子有毀祠之直毋
 恃吾帑帑曰七百七百之外無加直焉毋特
 吾直直曰四百四百之外無加直焉二三子
 勉之鐸拜稽首告于侯曰慈惠若我民敢不
 夙夜惟工實繁以重儲以一邑計計儲則亦
 然匪詘群力工罔用成丞以下靡不大同侯
 乃悉詔有事於儲者戒之猶未鐸也令各舉
 有心計者一人得可使者凡二十有三人相
 鐸以行自是公帑之出祠直之入僚佐耆舊
 賢二十三人罔不與聞民乃丕應子來溱溱
 自始事逮今歷九十有七日而成若門墻坊
 額及從舍諸不在原擬者亦莫不興落成之
 日民乃曰我贍我倉秩秩枚枚昔弛今恢惟
 侯之惠不有紀述後何徵哉侯曰非也爾百
 執事之勞不可使泯泯也乃命諸生周鑾等
 請紀於予予謂生曰爾邑爾侯以庶明稱者

舊矣今而後予有所試也蓋興事勸工自昔
 為難以盜廢者十五以奸廢者加盜之半侯
 非庶明何以戢之弗盜弗奸威惠乃行故政
 有經而事興如櫛如壩會不逾時經緯之妙
 堂又有出於庶明之外者可謂雄健絕人之
 業矣生曰未曰侯有大焉稱祠此比侯能毀
 之而因以便民彼塞此流仕以學傷吾徒仰
 之予作而嘆曰儒者之用有本也哉昔公劉
 乃倉召公誅之魯臧居蔡尼父譏之其義一
 也今之君子不為魯臧足矣又安望其烈烈
 如此哉匪居匪康思輯用光先民曰厚務民
 之義而遠鬼神先民曰智厚以居業智以明
 道戴侯有焉是可書也敦倉之役烏程之人
 曰惟我戴侯之績侯之言曰斯大梁郭君暨
 濮州馮君洛陽胡君金壇王君能以郡體左
 右於上故猷也展布於下用成石梁子菖
 之志猷一人何能為役
 是尤可尚也因悉書之

歸安縣舊泊在子城東一里宋太平興國間

置宣和四年縣令錢耕重建廳事前臨運河

門上有勅書樓有手詔亭廨內有虛心堂東

軒歲寒堂雙桂堂

宋縣令王寧賞桂詩秋風吹天香先着桂枝裏更起

月露清芬馥喚睡起攬衣夜未央衆喧不入耳有來蒞珠仙黃袂翠蓋底豈無碧雲腴為君一啓齒醉卧金丞廳在縣南采蘋橋東內粟間絕勝佩蘭芷

有舞綃堂嘉定中濡須王棟復剏蟾桂亭來

清軒主簿廳在迎春門外運河南舊迎碧址

也內有水精樓

後改水雲鄉樓

荷花池池中有舞臺

靖康中以兵亂徙迎春門內紹興十七年復移故址元縣治仍故縣令呂儀增建後堂達魯花赤怯烈復撤舊新之建典史廳於西

明洪武二年重建十一年知縣陳良修嘉靖四

年知縣劉迥重脩三十年知縣張師价重建

正堂今中為廳事後為軒為後堂廳事右翼

為典史廳左翼為架閣庫為東庫陳震記先生經國之

制究財幣時往歛飾蓋蔽入政厚矣表食貨於居先六典詳矣嚴財用于屢詔意以生人所需軍國仰給有不敢後焉者古者藏財于民然而山澤之征商賈之筭盭鐵鼓鑄之課

象犀金玉之貢凡以入王府而佐邦用者其始類輸之于官其輸也無時則其受之也有地勢固然也周宜太府王府內府外府胥以掌王財賄之入頒之于受藏之府夫今之庫古之府也司存掌故有周官之法在而或者不知省徃徃慢藏焉能無敗歟歸安縣故有庫乃即其廳事之夾室為鍵以署踈陋卑鬱以受藏非宜東川劉侯來治之二年政既通治則出其餘力拓地于廳事之東楹三而屋竇雙而曠石室位中窟室在下練之以崇垣回之以重鎖心計意匠一出於侯既成其僚佐董君樵輩嘆其用智之周也相與謀識其事于石寔嘗聞之先王之教也備藏曰櫛蓄夫使公物有暴露之憂不可謂備歛受無曲防之地難以語樽昔者子產聘晉而毀其門垣以納器幣晉人不敢爭夫晉之於鄭霸主也以諸侯視霸主其至庸之來且須善藏之所矧為天子之守吏貢篚賦計於是乎在而

府人之職弗脩不可也夫國夫寄寓縣無
 施舍陳侯以之喪邦今使有士者等公署於
 傳舍苟且偷惰廢然而無所用心例以陳轅
 之覆其得免幸矣君子謂侯此作固財保貨
 底慎于軍國之資為得其政面陽而位東適
 燥涼之宜為得其地巧思妙構柱水火盜賊
 之虞為得其法春秋雖門廡之作必書重用
 民也斯舉於用民綏矣而益之以三善焉不
 可無迹以詔有求侯名迥字
 維仲起家進士蒞今職云

東西序為六房

中為戒石亭前為儀門儀門之內西為監房
 儀門之外左為迎賓館又前為縣門申明亭

在縣右旌善亭在倉橋南

萬曆二年知縣劉銳移建二亭於縣

治前之左右

知縣廨在軒之東廳事之東為縣丞廨士東

南為吏舍西為主簿廨為典史廨廨西南又

為吏舍

儒學

見學校誌

璉市巡檢司

縣東南八十里洪武中置

千金稅課局

菱湖鎮洪武中置

上沃阜巡檢司

縣西南三十四都楓塢洪武二年置隨革

思溪河泊所

縣東三十五里洪武中置近革

便民倉

定安門內東岸宣德五年置嘉靖十一年知縣劉塾脩陸時雍記邑有倉

制也倉曰便民始于周文襄公巡撫江南日
 即水次屋之而便于輸者也維是予邑倉歲
 久浸散中更賢令數輩率於吏文恐恐於
 上下未信相顧咨嘆焉爾嘉靖庚寅鄱陽劉
 候壑來令予邑見而慨然思肩厥任顧民方
 凋瘵百度倥偬乃撫病剔蠹次第籍賦舉而
 爬梳之閱月焚者叙再月病者藉期年而譁
 者頑者識所趨矣候曰民幾矣越壬辰歲適
 稔公私粒米狼戾候曰時其贏哉乃遂謀於
 傳經氏傳君曰是亦予政余其承明日集諸
 重賦者而諭勉之衆應聲曰惟命不謀而同
 辭于是滂然人各展力罔後鳩材募工吉日
 載事腐者更之歛者正之汚而隘者廓之弗
 贖者候毀淫祠相之不正三月工竣斬焉煥焉
 頌頌焉蟄蟄焉困困焉見者咸曰前哉其若
 績乎予頃奉使南還適觀落成候走使請記
 於予予惟天下事每撓于彼我之弗相信而
 弗相應之機恒啓於不自繫若我候則異於

是以心自矢苟利國家遑恤其他其自信者
 且時使宜民弗煩督而事集其善用材者
 與視彼務炫耀急營辨以取聲譽規規自殖
 苟簡歲月以積勞者其為人賢不肖何如哉
 安吉州舊為縣治漢分故鄣南境置安吉縣
 在天目鄉唐縣令孔志道遷于玉磬山東南
 紹興十六年呂靖重建廳事前為勅書樓手
 詔亭廳事後為燕堂有覓雲亭清淑亭三角
 亭水廳在縣門南內有得助亭主簿廳在縣
 門西尉廳在主簿廳西元仍其故

明丁酉年始北徙改舊元帥府為之洪武二年

知縣王津改建八年知縣張士良增修正德
二年知府何顯奏改爲州即縣舊治也正德
三年知州廖紀新其治嘉靖三十三年知州
江一麟重修萬曆元年知州勞遜志復大修
今中爲廳事後爲軒爲後堂廳事左翼爲東
耳庫爲架閣庫爲吏目廳右翼爲西耳房爲
儀仗庫東西序爲六房中爲戒石亭前爲儀
門迎賓館在儀門東監房在儀門西又前爲
譙樓爲州門左爲申明亭右爲旌善亭

知州廨在後堂後棟爲同知廨爲吏目廨西

爲判官廨嘉靖二十四年知州江一麟重修

儒學見學校志

獨松巡檢司寧福鄉洪武六年置近華

稅課局梅溪灘近華

陰陽學州治西

醫學州治東

僧正司常樂寺

道正司玉樞道院

便民倉

梅溪瀆口正
統三年建

按察分司

州治東
三十步

布政分司

府館

州治
後

長興縣舊治在城內西北隅唐武德七年建
宋開寶六年重建廳事建炎三年金人入寇
燬之紹興五年縣令張琮重建紹定二年縣
令史岩之增建勅書樓清心堂平易堂宣化
堂紹定五年縣令趙汝謐重建正廳東西廊

又增置製錦堂恕齋嗣是又增荆吏隱堂無
訟堂捲雨亭踏雲亭玉方亭振彩亭丞廳在
縣東南簿廳在丞廳東尉廳又在簿廳東元
因宋舊至元丁亥縣令梁琮重建貞元中改
為州署元末並廢
明耿炳文守長興改為元帥府以禦僞吳張士
誠復以元時捕盜司為州署尋改元帥府為
長興衛指揮使司士誠平又改為長興千戶
所洪武八年軍調守湖州改為長興百戶所

十三年百戶所軍調隸西安洪武十九年知縣鄭勝始復請為縣署弘治三年知縣楊瑄

重建嘉靖三十五年知縣黃辰重脩今中為

廳事隆慶元年知縣歸有光立題名碑于廳

壁有光自記長興縣始於晉太康三年初名長興唐武德四年五年為綏州雜別七年

復為武城梁開平元年為長興元元貞二年

縣為州洪武二年復為縣縣常為吳興屬隋

開皇仁壽之間一再屬我蔡州丁酉之歲國

兵克長興耿耿侯始去而長興復專為縣至今

年既滅吳耿侯始去而長興復專為縣至今

若干年矣舊未有題名之碑余如考圖志取洪

武以來為縣者列之烏乎彼其受百里之命

其志亦欲其有所施於民以不負一時之委

任者蓋有矣而文字缺軼遂不見於後世幸

而存者又且書之之略可慨也抑其傳於後

世者既如彼而是非毀譽之在干當時又豈

盡出于三代直道之民哉夫發憤以脩先王

之道而無問于世則已余之逮此以為後

之承於前者其任宜爾亦非以為後

前人之欲求著其名氏於今也 後為軒為


後堂廳事之左翼為架閣庫右翼為耳房庫

東西序為六房中為戒石亭前為儀門儀門

之內東為達道門又東為儀仗庫西為監房

萬曆元年知縣顧其志重建 儀門之外左為寅賓館又前

為譙樓為縣門門左為申明亭門右為旌善



知縣解即後堂為之隆慶元年知縣歸有光

改為夢鼎堂自記凡州縣治其後皆為夾道

惟長興治後迫於城故令之宅無周垣門廡

燕居之堂與前堂簷相接也余來為縣屬久

廢之餘為修管閣鼓樓左右廊廡起吏舍倉

庾成橋梁築城水門一歲中畧具而燕居之

室穿漏傾圯復加完葺之雖前除不蔽而堂

中若加恢廓如人外處迫隘之形而中不失

寬綽之度因得休暇觀古圖書於此會有事

於貢院一日夢寢庭中有函牛之鼎其傍有

破裂處方命脩補之覺而以告諸同事適長

興之士試而得雋者三人衆皆以為為鼎足之

應未幾而南都得雋者又一人或又以為此

補鼎之驗也夫古者之云其果云爾已乎蓋

萬三代之傳器也聖人取以為卦其辭曰君

子之正位凝命又曰主器者莫若長子此其

為王者之事矣然又以象三公者何也誠以

天下非人主所能獨運而所籍者輔相也故

鼎天子飾以黃金諸侯以白金三足以象三

台三台是一體猶三公承天子也以主享任

不失其和金玉鉉之不失其所也公卿仁賢

天王聖明之象也讀鼎之辭可以見君臣一

體之義而人臣輔相之道備矣故又曰大烹

以養聖賢明天子當以聖賢置之三公之位

不宜使在下僅出其否而已而置其毀譽進

退于不知者之人使之皇皇焉慎其所之地

余少有狂簡之志思得遭明時與堯舜周孔

之道嘗鄙管晏不足為今老矣無能為矣台

鼎之兆其以望諸二三子因取而名東為縣

斯堂且以俟後之繼余而來者云

丞廨二為主簿廨典史廳并廨



儒學 見學 校誌

四安巡檢司 四安鎮

旱塘巡檢司 太湖

稅課司 縣東

河泊司 縣東道德高橋下

陰陽學 縣南

醫學 縣東

僧會司 大雄寺

道會司 沖真觀

便民倉 神武門內正統七年建隆慶元年知縣歸有光新築倉城

按察分司 縣治東南政和橋下洪武六年置

布政分司 縣治西南百家橋下正統七年置今圮

府館 縣南大雄寺街相對洪武間置

德清縣舊治在下蘭山唐天寶初侈置于百

察山南宋宣和中縣令趙岫重建廳事前有

勅書樓手詔亭廳西有浮跡堂縱雲堂又有

山堂四照廳縣治之後宋縣令章鑑得古梅

奇甚作清意亭古香亭又圃內有秀亭醉雪

亭丞廳在縣治東主簿廳在丞廳西尉廳在丞廳稍東元因其舊

明縣治在通濟橋北吳元年知縣黃宗義創建

王穉記德清縣隸湖為壯縣縣治臨餘不溪後枕金鼇諸山山水明秀民俗淳厚異時寓公多樂居之流風餘習去今百年故未泯也歲丙午秋王師徇地浙江縣治燬焉郡地既入職方朝廷慎擇賢才官郡縣以思緩其民於是德清則黃君宗義為令雒君昂為丞俞君興泰為主簿冬十二月既至務以布宣聖天子及天下之仁民皆獲所依賴明年春縣事大小就緒則相與謀曰縣有治能以出政令而示等威今隳廢若此不可不能為之圖然公私赤立經費無所從出黃君乃為其民言吾民幸脫水火之中而沐浴國家之

亭澤家室之完田野之安駸駸然樂其生矣而吾儕菲才忝被掄選膺牧字責以臨蒞是邑吾居之無所固民心之弗安也况山川之勝今猶昔耳輪奐焉以復前日之舊觀實百里瞻望之所繫而亦後來者之利也吾何私焉好義之民間黃君言心感而誠悅感慎趨事赴功莫敢後者乃二月十日庀工首作廳事繼又為堂而前為譙樓皆宏敞崇高有加于舊以至樓吏之舍館賓之次及庖爨囹圄之屋靡不具完舊梅花亭亦繕修之凡為役悉出於民而官不預僅數閱月畢底于成及秋態君入而左史又明年春出持浙江部使者節將行請予記其成績以遺黃君使勒石以告後人予惟今之仕於郡縣者難矣而縣為最甚何哉蓋去民尤近者得民為尤難不有以得其心而徒欲以役其力固不可也黃君為縣以明達之才施愷悌之政而熊君俞君佐助之者又各盡其道故言出而民信之

樂為之効使而興廢舉墜不以為難蓋惟有
以得其心而悅以使之故雖役其身而志其
勞也豈非所謂君子學道則愛人小人學道
則易使者耶春秋之法役之及小民者雖微
必書然或譏其失時或義其非禮今此役也
於時為適宜於禮為合制夫為縣而能得民
如此皆不可以不志黃君字宜之宣城人熊
君字伯穎臨川人俞君字仁卿沔陽人贊其
成者典史祝亮廣信人也宣德末知縣張俊脩嘉靖五年

知縣方日乾重修今中為廳事後為軒扁曰梅花
為後堂廳事之左翼為東耳房又東為儀杖
庫右翼為西耳房西北為典史廳後為架閣
庫東西序為六房中為戒石亭前為儀門儀

門之西為吏舍為監房又前為譙樓為縣門
左為香亭為申明亭右為藥局為旌善亭
知縣廨在後堂後廳事之東北為縣丞廨二
稍南為主簿廨為典史廨


儒學 見學
校誌

新市巡檢司 新市鎮洪
武中置

下塘巡檢司 原設下塘洪武中置隆慶三年
奉有明文以五林港口衝要地

方盜盜出沒因
徙巡司于此

河泊所 新市鎮洪武十
四年置近葦



稅課局 縣治西洪武三十年置近華

陰陽學

醫學

僧會司 慈相寺

道會司 紫陽觀

便民倉 廣儲門外二里

察院行臺 縣治東洪武五年建

布政分司 拱乾門外正統七年建

武康縣舊治在餘英溪北隋仁壽六年徙于

溪南唐慶德元年袁晁作亂蕩為灰燼二年

賊平復徙治于比溪宋建炎中復更兵火紹

興二年縣令鐘燮重建廳事前有勅書

詔亭中為東堂

舊名畫心堂

東堂後為巖桂軒廳

東為公生明軒廳西為先春堂縣圃之內又

有二柳亭寒秀亭陽春亭池有釣魚臺畫舫

齋丞廳在縣治東主簿廳在縣廳東尉廳在

丞廳西元即舊治至正十六年燬于兵

明洪武元年知縣李大春即舊址重建嘉靖二

十五年知縣俞榮重修今中為廳事後為後堂廳事左翼為耳房庫又左為典史廳右翼為儀杖庫為架閣庫東西序為六房中為戒石亭前為儀門儀門之內西為監房又前為譙樓為縣門左為甲明亭右為旌善亭知縣廨在後堂後東西為縣丞廨西北為主簿廨廳事東為典史廨又東為吏舍

儒學

見學校誌

稅課局

三橋埠洪武間大使戚十奴建

河泊所

風渚湖上洪武間置近革

陰陽學

醫學

僧會司

道會司

便民倉

縣東北一十五里成化八年知縣陳景隆建

按察分司

縣東一百一十五步

布政分司

縣北三百餘步

府館

縣西南一百十步即餘英館址

孝豐縣治漢丹陽郡故鄣之南境安吉之舊
址唐開元二十六年縣令孔志道移縣於東
北其址猶存

明洪治元年知府王珣奏請創立孝豐縣治

程敏

政記中爲廳事後爲後堂廳事左翼爲儀仗庫
右翼爲架閣庫西爲典史廳東西序爲六房
中爲戒石亭前爲儀門儀門之內西爲吏舍
東爲監房又前爲縣門左爲申明亭右爲旌
善亭

知縣廨在後堂後東爲縣丞廨又東爲典史
廨

儒學

見學
校誌

天目山巡檢司

縣南二十里廣
茗鄉洪武中置

松坑口巡檢司

縣西五十里大平
鄉洪武中置近華

陰陽學

醫學

僧會司

道會司

翻遞

茗溪驛在安定門外嘉靖三十一年倭警遷

于門內

原額馬價站紅船等銀共九千二百

田二萬三百九十八頃五十九畝三分九厘

九毫內派辦每畝徵銀四厘五毫五絲四忽

七微六塵六渺五漠一南北二京弁山東河

南等驛上中下馬驢一百九十三匹頭共銀

七千四百五十一兩八錢二分本府茗溪

驛并遞運所及德清縣每年船隻鋪陳水手

防夫工食共銀一千八百三十九兩二錢二

分二厘二毫茗溪驛并遞運所每年該銀

一千八百一十五兩二錢二分二厘二毫

站船五隻每隻三年小脩該銀四兩六年大

脩該銀六兩九年大造該銀三十兩紅船

一十隻每隻三年小脩該銀一十兩六年大

脩該銀二十兩九年改造該銀六十兩
 陳二十五副每五年一換共該銀一百四十
 五兩水夫一百四十名每年工食銀九
 兩共銀一千二百六十兩防夫五名每名
 每年工食銀七兩二錢共銀三十六兩近奉
 文裁革徵銀解司轎傘什物每年銀二十
 兩支應使客每年廩給銀二百兩過閉銀
 一百四十兩共銀三百四十兩
 二名每名每年一十兩共銀一百二十兩嘉
 靖四十五年巡按浙江監察御史龐
 館夫減派廩額每年銀三百六十六兩五錢
 一分八厘五毫歲給本驛官吏以脩支應
府前總舖 舖司一名 驛司七名 屬州縣舖凡四十
有二 者 安吉州總名未安外舖由東北達長興
 者 三 曰 荆溪安福梅谿由南達孝豐者
 二 曰 順安定福由西達廣德者 三 曰 北山
 舍段村烏程縣總附於府外舖由東達吳江

者六曰楊鈕孫老晟舍驥村魯墟三里由東
 南達嘉興者一曰烏鎮由南達歸安者四曰
 九里羅灣許墓市山由西達長興者三曰龍
 灣雲水八字歸安縣總附於府外舖由南達
 武康者二曰侯射塘頭長興縣總舖一外舖
 由東達烏程者二曰跨塘新橋由西南達安
 吉者三曰下源曰山獨山由西達廣德者四
 曰卞村盛崗四安城頭德清總名香亭外舖
 由南達杭州者一曰導臻由北達武康者一
 曰烏鴛武康縣總舖一外舖由北達歸安者
 二曰大施黃山分水孝豐縣總舖一外舖由
 北達安吉者一曰靈奕由南達餘坑者一曰
 後風以上總舖司俱一名兵二名
 外舖如之總要者添加一名

脩築

晉吳興太守沈嘉重開菰塘因改名吳興塘
梁吳興太守柳惲重浚青塘後人呼爲柳塘
唐元和中刺史范傳正疏湖中諸堰以復古蹟
宋慶曆中詔有司復開菰塘通湖州凡九十里
嘉祐五年轉運使王純臣請令蕪湖秀脩作
田塍位位相接以禦風濤於是湖州大築田
塍元豐中郡守蘓軾建議太湖受諸溪之
水先治吳江西岸菱葑蘆葦之積則水東瀉

而無壅滯之患諸州利矣 紹興五年知州

事王回脩湖漚三十有六改漚名二十有七

常豐常登常稔常熟常康常安常樂常瑞常

慶常福常禧常和常裕常阜常通常惠常澤

常泰常興常富常足常

積常利常固常益常濟

二十四年大理寺丞周環言湖秀等郡低下

之田多為太湖積水浸灌緣溪山諸水連接

併歸太湖令有司相視開決故道 慶元間

知武康縣丁大聲浚後溪自龍尾橋至獅子

山長一千二百丈

元至元中烏程丞宋文懿築青塘堤數十里

程

記畧若水自天日來曲折過青塘門東北與
霽川合而會入太湖汎濫洋溢故為長堤數
十里而抵長興以截水勢之奔潰以衛沿堤
之良田以通往來之行旅先是土築歲必加
葺數十年來失於脩治堤外水決往來者病
於徒涉而沿堤之田亦成沮洳至元間真定
朱君來丞烏程暇日行視田里乃首捐已資
畚上輦石召匠命工民歡趨之富者輸財貧
者輸力爰築爰削如
鑄如埏功用告成云

明洪武二十八年築安吉縣劉家西鄉諸壩及

開五沸石山等港 永樂二年戶部尚書夏

原吉疏治東南水患大濬浦港以決太湖下

流 成化十年湖州府通判李智開濬淩港

三十有八 弘武八年工部侍郎徐貫經理

東南檄浙江布政司叅政周季麟脩築湖堤

七十餘里

錢福記畧 河決張秋既

聖天子御極之七年 命重臣塞之復延

訪能言水秋者得其策授工部侍郎徐公貫 同巡撫都御史何公鑑經理東南二公既審 知東南巨浸在太湖而又禹之術自下者始 乃尋湖之下流得浦瀆入海者躬督常蕪松 三郡疏洗之而以湖之上流授浙江布政司 左叅政周公季麟治之周公乃按湖郡躬歷 烏程長興之涯而嘆曰是在禹貢所謂震澤 者也澤以豬水而震蕩不定故難為功誌稱 縱廣二百八十三里周三萬六千頃跨湖蕪 松常四郡所瀆既大下流難疏以予相隄為

便於是得周文襄公所築湖隄故迹而諏眾 議興復時郡守鄭君宏二字何君文英治農 判揚君清爭應聲曰此吾守土親民者之責 也擇遣長興丞胡健量度地勢自烏程以抵 宜興界凡七十餘里咸隄焉其崇為一丈廣 與崇方而加尺者五復實其隄以通漫港者 二十九為石橋于實二十六旱潦滂泄湖不 惟而不能為害而且為利矣其用人力者四 千用人糧者八百餘石皆周公所區畫郡守 諸君所協贊也若夫專以職往來督成之者 則浙江按察司僉事陰君淑焉其功始于某 月落成某月是為八年乙卯也是歲秋果大 有

嘉靖十七年長興縣知縣楊上林築壩缺口

石隄一百有十丈

顧應 梓記

萬歷元年長興縣知縣顧其志重脩石隄濬

港口

沈桐記畧長興東北濱震澤湖有山曰小梅者橫亘其麓於湖舟行取道率循

麓逶迤而出嶠石森伏波濤湍撼稍不戒即

敗顧夾山俱有小港相望僅二百餘武誠即

山之陽浚河築堤以通二港則舟行自內地

而小梅之險置之湖外矣嘉靖戊戌邑人溫

良鏜捐田創議而當事者翕然從之不數月

而訖工夫司寇顧公爲文以記之悉矣日月

既久漸就傾圯司寇之文宿在草莽顧候以

名進士宰茲邑詢而得之喟然曰長吏代

天子活一方民而令有溺者弗極耶吾不忍

遺此以去乃揮僚屬之足以辦此者嚴君偉

使傳其事遂疏鑿底石深二尺許決去岸沙

廣一丈餘而隄之傾者復起缺者復完而往

者來者咸嘖嘖然不復知有昔日之險矣

按舊誌烏程泄水之港小梅以東凡八

西金

家港官瀆港泥橋港張家港宣家

大錢以東凡二十

八瀆計家港湯瀆沈瀆和尚瀆羅瀆大瀆新涇

瀆許瀆楊瀆謝瀆義高瀆陳瀆簿瀆五浦瀆

蔣瀆錢瀆新浦瀆石橋瀆盛瀆宋瀆喬瀆湖

長興泄水之港凡三十四

斯圻港主村港蔣

大廟港烏橋港夾浦港謝莊港丁家港

港鷄籠港沈瀆港杭瀆港盧瀆港金鷄港

港新塘港竹篠港徐家港百步港新開港

橋港蔡浦港珊溪港盧圻港白茅港寶瀆港經山港小陳瀆港

泃少所言 卷之二十二 五十三

孝豐灣四 新村灣老石灣 壩三十七 蘆林壩 永豐壩

大山壩百沸壩沙沸壩小黃壩千壩倉基千壩

八畝壩牛坵壩湖頭壩塘盧壩牛皮壩蒲荇壩

千壩陳碧千壩壩汪江壩高家壩荻草壩大坑

壩走馬壩南埠壩西圩壩大碧壩寨下壩何

村壩黃市壩東塢壩西冲壩經塢壩車壩

橫山壩陳墓溝六十三 村溝百沸溝清碧千

溝門沸千溝猛沸千溝上沸千溝前溪千溝

憤沸千溝下沸千溝前水溝大淵溝五義溝

汪村千溝埂下千溝潘村千溝前塘千溝中

塘千溝後塘千溝盧村赤石沸溝即沸千溝

百沸溝赤口千溝新沸千溝前語千溝東河

千溝宛村千溝石埭千溝上塘千溝湖頭千溝

鄧村千溝度塘千溝通溪千溝馬鞍千溝全

仍舊誌存之

碧千溝牛皮千溝彭家千溝諸家千溝化水

千溝楊家千溝統口千溝陳溪千溝顧城千

溝上干溝裏碧溝前簿千溝後簿千溝墓龍

干黃波溝具村干溝黃坑干溝方阿干溝烏

祿干溝東岸干溝板山干溝礫山 諸凡在郡

境之內皆有司當講求而水利修復之者故

泃少所言 卷之二十二 五十三

郵錄

養濟院洪武初建

在郡治西北安
吉州在治西長興縣在吉祥門內德

清縣在治西武康縣在治東孝豐縣在承流門外

凡民之鰥寡孤獨

廢疾不能存者收養之其名每年增損不一

烏程縣一百六十有六歸安縣一百三十有三安吉州三十有四長興縣七十有四德清縣一十有四武康縣一十有八孝豐縣二十有二男子每名月給米二斗婦女每口月給米一斗五升男婦仍月給柴布銀五分

泰定倉洪武二年建

在郡治西宣德元年預移徙于白蘋州遺址

備倉俸給倉附焉屬縣預備倉洪武二十三

年建各設四所分置鄉村烏程縣黃墅後林村祐村後歸安縣

花城東林千金思溪長興縣白鳥方山惟新

吉祥安吉州順安天目上扇天目下扇梅溪

德清縣樂舍後柳神林敢林歲久湮廢今州

武康縣崇仁泰原慶安武都

縣止存一所每年積貯隨時賑給其存留數

目多寡不同泰定倉本色正米五百九十九

撮七圭五粟耗米四十三升四合二勺六抄八

勺共正耗平米六百三十九石五斗五升八

合二勺二抄三撮五圭三粟七粒五黍坐派

歸烏安吉長興德清五州縣徵解烏程縣

預備倉穀一千六百一十三石五斗四升二

合歸安縣預備倉穀一千七百五十一石

八十五升四合安吉州預備倉穀一千九

百七十石長興縣預備倉穀二千四百五

十三石二斗五升三合二勺一抄八撮德

清縣預備倉穀二百五十七石六斗四升二

勺武康縣預備倉穀一千四百二十三石

七斗二升四勺孝豐縣預備倉穀六百六

十石八斗一升七合一勺

漏澤園舊在清源門外今徙定安門外萬曆

一十一年本府奉明文續置義塚一所計

各立石柱申建石碑一座刻義塚二字安吉

在南門外長興在吉祥門外德清在禮辰門

外武康在縣北孝豐在縣北以上卹

晉義熙五年王延祖吳興武康民為劫父睦以

市睦既自告於法有疑時何叔庶為尚書議

曰設法止茲本於情理非一人為劫闔門應

刑所以罪及同產欲開其相告以出為惡之

身睦父子之至容可悉共逃亡而割其天屬

還相縛送螫毒在手解腕求全於情可憫理亦宜宥使克人不容於家逃刑無所乃大絕根源也既既糾送則餘人無應復告並全之

齊聞人夏具興人

高帝時年十七結客報父仇為帝所宥授長水校尉

梁吉玃

父為原鄉令為奸吏所誣當死時玃年十五擊登聞鼓乞代父命帝宥其父稱

賞之

宋林大中為長興令

時郡太守禁民間焚亦者許人許告約束頒行大



中一見染剗封還口長告許之風非僞者之政大中不敢奉行太守善其言事之已露者

悉從寬典

元鄧文原僉浙西廉訪司事

具興民夜歸巡邏者執之繫亭下

人遁去有追及者刺其脅仆地喇且家人適之於官官問直初更者曰張福兒訊之使服械繫三年文原錄之曰福兒身不滿六尺見其長也刀傷右脅福兒素用右手傷宜在左何乃右也鞠之果得真殺人者福兒如釋以上錄



文政憲庫

